

- 30 Primatu dignum iudicat esse patrem¹;
 Que fuit octava post partum virginis, istum
 In patrem patrie parturit alma dies.
 Cum Ihesus accepit nomen, Willermus honorem,
 Dumque salus oritur, est Remis orta salus,
 35 Quaque die Christum sacrat unctio nominis, aptum
 Regibus ungendis² suscipit iste locum.
 Quod bene previdit ratio divina, nepotem³
 Unguat ut in regem presulis uncta manus.
 Adde quod exaltat sol verus cornua iusti,
 40 Dum micat in signo sol, capricorne, tuo.
 Adde quod in celis cursu crescente dierum,
 In terra crevit presulis huius honor.
 Parva loquor, veniat stilus ad maiora: beatos
 Presulis ornatus sub brevitae canam,
 45 Quos ita Willermus meritis depinxit, ut Aaron
 Indutum credas vestibis esse sacris.
 Anulus et baculus, sandalia, pallia, mitra
 Morum splendorem splendida quinque notant.
 Anulus arridet tribus, in quo gemma choruscat,
 50 Aurum prerutilat, forma rotunda placet.
 Per gemmam pudor exprimitur, doctrina per aurum,
 Perfectum signat forma rotunda virum.
 Anulus ostendit, quod presul nobilis aurum
 Nolit et a nullo querere dona venit.
 55 In medio baculus sustentat, pungit in imo,
 Attrahit in summo, pontificemque notat.
 Hoc Willermus agit: miseros sustentat, iniquos
 Pungit, et ad Christum quemque vocando trahit.
 Ipse sonat baculus, quod sit bonitatis alumpnus,
 60 Vel bonitate calens, vel bona cuncta colens.
 Nomine declarant sandalia, quod quasi sanctum
 Dans aliis nescit vendere sancta Dei.
 Nulli prebendam mendicat nummus ab isto,
 Pondera, marcarum non ibi pondus habent⁴.
 65 Signat palliolum, quod sit pater hic aliorum,
 Vel quia post papam polleat eius honor.
 Agnetis festo, cum pars prior imminet anni,
 Ex agni lana pallia Roma facit;
 Agnes festivum notat, agni vellera mitem,
 70 Primum pars anni prima fatetur eum.
 Mitra notat capitis, pignis erecta duabus,
 Quod penna duplici presul ad alta volat:
 Racheli Lyam, Marthe sociando Mariam,

1) 1. Jan. 1176, was hierdurch erst bekannt wird. 2) 'ungendi' Hs.

3) K. Philipp August, Sohn seiner Schwester Aleidis, 1197. 4) 'habet' Hs.